



Broj: 10/E-11-7136/24-4
Sarajevo, 26-12-2024 . godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH”, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo”, broj 23/04), na prijedlog Komisije za nabavku roba, usluga i radova III, imenovana rješenjem Opštinskog načelnika broj: 10-45-238/24 od 25.03.2024. godine, (u daljem tekstu: Komisija III), u postupku javne nabavke usluga održavanja vozila, za LOT 4 – održavanje vozila posebne namjene marke Scania sa vatrogasnom i cisterna nadogradnjom (Zapisnik o pregledu i ocjeni ponuda broj: 10/E-11-7136/24-4 od 18.12.2024. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača „**JASMIN M**” d.o.o. Žepče, ulica Ljeskovića broj bb, 72230 Žepče, broj: 24-014-0000335 od 11.12.2024. godine, za usluge održavanja vozila LOT 4 – održavanje vozila posebne namjene marke Scania sa vatrogasnom i cisterna nadogradnjom, putem otvorenog postupka, sa cijenom u ukupnom iznosu od **280,00 KM bez PDV-a** (zbir jediničnih cijena), odnosno **327,60 KM sa PDV-om** (zbir jediničnih cijena).
- II.** Ugovorni organ će sa izabranim ponuđačem zaključiti okvirni sporazum na period trajanja 2 (dvije) godine, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima. Okvirni sporazum stupa na snagu danom obostranog potpisivanja. Planirana maksimalna vrijednost za cijeli period trajanja okvirnog sporazuma od 2 (dvije) godine iznosi 21.300,00 KM bez uračunatog PDV-a i ista se ne može prekoračiti.
- III.** Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke usluga održavanja vozila, pokrenut je Odlukom Općinskog načelnika o pokretanju postupka javne nabavke putem otvorenog postupka, broj: 10/E-11-7136/24 od 04.11.2024. godine.

Predmet nabavke je podijeljen na LOT-ove, i to:

- LOT 1 - održavanje vozila marke Škoda i VW
- LOT 2 - održavanje vozila marke Toyota
- LOT 3 - održavanje vozila marke Suzuki
- LOT 4 - održavanje vozila posebne namjene marke Scania, sa vatrogasnom i cisterna nadogradnjom
- LOT 5 - održavanje vozila posebne namjene marke Iveco Daily, sa vatrogasnom i cisterna nadogradnjom
- LOT 6 - održavanje vozila marke Dacia
- LOT 7 - održavanje priključnog vozila (mobilna kuhinja)
- LOT 8 - održavanje električnih mopeda marke Torini Volt

Procijenjena vrijednost nabavke za LOT 4 – održavanje vozila posebne namjene marke Scania sa vatrogasnom i cisterna nadogradnjom bez uračunatog PDV-a iznosi 21.300,00 KM, za cijeli period trajanja okvirnog sporazuma.

Obavještenje o nabavci 848-1-2-138-3-224/24 objavljeno je dana 20.11.2024. godine na Portal javnih nabavki (www.ejn.gov.ba).

U krajnjem roku za predaju ponuda koji određen tenderskom dokumentacijom (13.12.2024. godine do 12:00 sati), na adresu Ugovornog organa primljena je 1 (jedna) ponuda dostavljena od ponuđača „JASMIN M“ d.o.o. Žepče, što je evidentirano u Zapisniku o otvaranju ponuda, broj: 10/E-11-7136/24-4 od 13.12.2024. godine. Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija III je u zakazano vrijeme pristupila javnom otvaranju pristigle ponude i nakon što je utvrđena blagovremenost i urednost dostave, pročitana je cijena ponude, kako sljede:

R/b	Ponuđač	Ukupna cijena bez PDV-a (zbir jediničnih cijena)	Ukupna cijena sa PDV-om (zbir jediničnih cijena)
1.	„JASMIN M“ d.o.o. Žepče	280,00	327,60

Nakon izvršenog javnog otvaranja ponude, na zatvorenom sastanku Komisija III je pristupila detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Komisija III je jednoglasno konstatovala da dostavljena ponuda ponuđača „JASMIN M“ d.o.o. Žepče ispunjava formalno-pravne, ekonomske i tehničke uslove, odnosno da ispunjava uslove iz tenderske dokumentacije i zahtjeve Ugovornog organa za predmetnu nabavku, kao i da je prihvatljiva u smislu Zakona o javnim nabavkama.

Detaljnom računskom provjerom ispravnosti ponude navedenog ponuđača, Komisija III je ustanovila da je podnesna ponuda računski ispravna, te da je ispravno obračunata ukupna cijena ponude sa PDV-om.

Nakon analize i ocjene pristigle prihvatljive ponude prema pravilima propisanim Zakonom o javnim nabavkama i podzakonskim aktima, u skladu sa članom 64. stav (1) tačka b) Zakona o javnim nabavkama odnosno primjenom tenderskom dokumentacijom propisanog kriterija za dodjelu ugovora „najniža cijena“, Komisija III je izvršila rangiranje ponude kako sljede:

RANG	Ponuđač	Ukupna cijena bez PDV-a (zbir jediničnih cijena)
1.	„JASMIN M“ d.o.o. Žepče	280,00

Shodno svemu naprijed izloženom, Komisija III je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Ponuđača „**JASMIN M**“ d.o.o. Žepče, ulica Ljeskovića broj bb, 72230 Žepče, broj: 24-014-0000335 od 11.12.2024. godine, sa cijenom u ukupnom iznosu od **280,00 KM** bez PDV-a (zbir jediničnih cijena), odnosno **327,60 KM** sa PDV-om (zbir jediničnih cijena), kao najpovoljnije za LOT 4 – održavanje vozila posebne namjene marke Scania sa vatrogasnom i cisterna nadogradnjom, sa kojim će biti zaključen okvirni sporazum na period trajanja od 2 (dvije) godine.

Općinski načelnik u postupku evaluacije nije našao razloge niti nepravilnosti u radu Komisije III koji bi eventualno bili osnov za neprihvatanje preporuke Komisije III, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24). Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda

broj: 10/E-11-7136/24-4 od 18.12.2024. godine



Dostaviti:

1. Ponuđaču: „JASMIN M“ d.o.o. Žepče
ulica Ljeskovica bb, 72230 Žepče
2. Službi za zajedničke i tehničke poslove
3. Kabinetu općinskog načelnika – Odsjek za javne nabavke
4. Službi za finansije
5. U spis